



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 3. Qualitas Galliae.

urn:nbn:de:hbz:466:1-13147

Primo igitur aliqui apud Isidorum deducunt Gallorum nomen à Græco γάλα lac, quoniam lactei sunt coloris, si cum Italos comprehenduntur.

Secundo Diodorus Siculus à Galathâ Herculis filiâ nomen hoc elicit.

Tertio Timagenes apud Ammianum Marcellinum lib. xv. ait Gallos, seu Galatas nuncupatos esse à Galathâ quadam, quæ fuit mater Celti, subditis suis carissimi, ex quo & Galli dicti sunt Celtæ.

Quarto Appianus in Illyricis, ait appellatos esse Gallos, à Gallo filio Polyphemi, qui ex Galatheâ tres filios suscepit, Celtum, Gallum & Illyricum.

Quinto Grammatici quidam Veteres volebant *Celtas* nomen accepisse à Græco οὐλῆται Equites, & οὐλητῖς equum agito, quod ex equis optimè depugnarent.

§. 2. Quantitas Gallia.

LONGITUDO eius attenditur apud Strabonem à *Veneris Templo* in ultimo Pyrenæo ad *Vari Fl. ostia*, quæ distantia à quibusdam apud eum est 2600. stadiorum, aliis 2809. Ipse ex viâ publicâ hanc dimetens, dat ei 277. Millaria, hoc est 2216. stadiorum. Apud Ptolemaeum verò desumitur ex *Gob. eo Promontorio longit. G. 15. M. 15. latit. 49. M. 45.* ad Montem *Adulam*, long. G. 29. M. 30. latit. 45. M. 20. quod spatium ad maiorem circulum reuocatum dat 5200. stadiorum, seu Mil. 620.

LATITUDO desumitur ex prædicto *Veneris Templo* lat. 42. 20. Mil. ad *Rheni Orientale ostium*, Grad. 11. min. 40. hoc est stadiorum 2960. aut Millarium 370. Ex Strabone nihil certi de eâ colligi potest.

§. 3. Qualitas Gallia.

IN genere tota Regio humidior est; cuius causam Seneca lib. 3. nat. quæst. in humorem cæli refundere videtur: Strabo in fluvios quibus alluitur, ποταμοῖς καπιδόρροις οἱ χρέει. Non esse nimium frigidam innuit Iulianus Imperator: quare quæ leguntur de eius frigore ad Belgicam referenda sunt. Ventosam quoque facit Seneca, sed potissimum in eam sœuire ait Circum, cui templum

Augustus consecrauit. Nulla aut paucissima habet animalia venenata. Itaque indigenæ vtuntur pro veneno Taxi arboris succo, quæ arbor tam mortifera, vt sit satis ad mortem, in eius vmbra dormiisse, vt testatur Dioscorides. Iam de eius qualitate tria perhibentur, quod sit ferax, quod dives, quod populosa.

FERAX, Frumenti maximè & pascuorum dicitur *Straboni*, *Mele*, & *Solinus*. Nihil in eâ otiosum esse tradit *Strabo*: itemque alere omnis generis pecus. Vino carere inveniunt *Liuinus* & *Strabo*, & plerique veterum; sed quia olim h̄ic incolæ vineæ. Certè postea Bituricæ vitis, & Arueni vini meminere. Ferebat & omnis generis fructus, quos dabat Italia, excipit tamen *Strabo* Ficum & Oleam, sed de Celticâ loquens. Itaque exclamations Ciceronis de Pro. Consul. omnino hyperbolicæ sunt.

DIVES Regio πολυχρυσος, abundans auro, *Straboni*. Testes tot fodinæ, quatum idem meminit in Cemeniis montibus apud Ruthenos, Gabalos, Tarbellos, vt taceam Tarnim auriferum Fl. Asonij. Hinc multis in locis thesauros habuit Celтика, quos paludibus incolæ ad custodiam immergebant. Quare Romani Galliā potiti paludes locauerunt, vnde aliqui molas ex argento eduxerunt. Testis quoque Luerius pater Bituiti, qui per campum obambulans monetam auream, & argenteam dispergebat, quam comites colligebant, hæc *Strabo*. Hæ autem diuitiæ existebant quoque ex mercibus, propter facilem earum deportationem per flumina, vt idem *Strabo* notat.

POPVLOSA, in eâ agnoscit *Strabo* πολυαθρωπία, idcirco h̄ic etiam sylvas, & paludes coli. Causam refert in mulieres, quas πορείας vocat, γέ τιφεν ἀγαθα. Id quoque colligitur ex copiis, quas eduxerunt, coloniis quas emiserunt. Vbi enim gentium non resederunt Celtæ? In Hispaniâ, in Germaniâ, in Illyrico, in Italiâ, in Graciâ, in Asiâ. Certè huius non leue argumentum quod Aruerni soli sæpè cum cc. Millibus restiterint Romanis, cccc. etiam Millibus cum Iulio Cæsare pugnauerint, vt notat *Strabo*. At quā multi alij populi Aruernis pares? Et verò si qua Celticis Appiani fides in Galliâ trecentæ Gentes, vrbes suprà octingentæ numerabantur.